

REGIONAL NEWS

TOURISM MINISTER

Mizoram leh thenawm state Assam chuan Tourism tih hmasawn kawngah thawhdun an remti a, hun remchangah thawh dunna thuthlung an zia kang.

Tourism Minister Pu Lalnghinglova Hmar chuan nimin khan Guwahati-ah Assam Tourism Minister Pu Ranjeet Kumar Dass a kawm a, inkawmna ah hian tourism hmasawna tura thawho an rem ti a, hun remchang hmasaah thawhona thuthlung ziah an tum a ni.

Pu Lalnghinglova Hmar chuan Mizoram in tun hnaiah tourist a neih tam thu leh, khualzin tam ber chu Assam state atanga lo zin an nih avangin Assam sorkar nena tourism hmasawna kawngah thawhona neih tul tih thu a sawi chu Assam Tourism Minister chuan tha atih thu sawiin sawrkar mi pawimawh te nen an sawiho nghal a, Mizoram chu Assam mipuiten an ngainat anih reng thin avangin tlawh chak tam tak an awm a ti a, rel luh hnuah mi thahnem zawk an awm zel a beisei thu a sawi bawh.

Pu Lalnghinglova Hmar chuan Tourism tih hmasawn kawngah Mizoram a thangharh mek tih sawiin thawhpui tha tak an mamawh a ti a, thenawm state Assam nena thawh dunna chuan rah tha a chhuah ngei a beisei tih sawiin Assam Tourism hunpuiah Mizoram tourism chawi larna tur thlalak leh video a remchan anga tilar ve thin turin a ngen a ni.

Inkawmnaa tel ve Assam Tourism Development Corporation Managing Director Kumar Padmapani Bora chuan Mizorama tour operator-te tan Guwahati lamah workshop an buatsaih theih thu te, Mizoram in ATDC kal tlanga tourism lama puih a tulnaah an inhawn reng thu a sawi a ni.

<><><>

INLAND WATERWAYS

Union Minister of Ports, Shipping and Waterways Pu Sarbananda Sonowal chuan Mizoramah luidunga inkalpawhna tha a awm theih nan Mizoram lui lian 3 ah hmalak ani dawn tih a sawi.

India Maritime Week 2025 puala hun hmanah Inland Waterways Authority of India (IWAI) leh Assam sawrkar bakah private company ten luidunga inkalpawhna tih hmasawna tur project atana thawhdunna MoU an ziahna ah he thu hi sawiin Union Minister chuan Mizoram chu hmarchhak bial luidung hmasawna ah a tel ve thu leh hei hian danglamna nasa tak a thlen dawn ani,ati..

Minister chuan Mizoram luidung zingah Tlawng lui leh Chhintuipui chu zirchian mek ani tih sawiin hmanraw bun nan Tlawng lui cheng nuai 89 leh Chhintuipui cheng vaibelchhe 1.42 ruahman anitih sawiin, Lunglei district-a Khawthlangtuipui leh Tuichawng inkar inkalpawhna atan cheng vaibelchhe 9.82 ruahman a ni a ti a, he project hian lawng chawlhna hmun lian lo chi pahnih a huam tel dawn a ni.

Minister chuan luidunga inkalpawhna chuan ram thenawm te nena insumdawn tawna kawng zau zawk a hawng dawn a ti a, India in luidunga inkalpawhna tih hmasawn kawngah hmarchhak chuan hmun pawimawh tak a chang tih sawiin tualchhung eizawna kawngah pawh hmasawna tam tak a thlen dawn a ti a, kawng hrang hrangin heng biala mi cheng te tan hamthatna a awm phah dawn tih a sawi bawh.

Union Minister hian a department chanah Review Meeting neiin hetah hian hmarchhak biala tunhnaia project lian hrang hrang 15 thawh tur tarlan a ni a, heng zingah hian Mizoram ah project 3 awmin a dang hi hmarchhak state hrang hrangah thawh tur a ni ang.

Inland Waterways Authority of India leh Heritage River Journeys Pvt. Ltd. inremna ah hian luidung inkalpawhna tih hmasawn bakah heng biala luidung bula mi cheng hrang hrang chhawr tangkaina tur ngaihtuah sak tea tel a, zin mi te hmuh nuam tur hrang hrang chhawp chhuah ani bawk.

<><><>

LOK SABHA MP

Lok Sabha MP Pu Richard Vanlalhmangaiha'n nimin khan Union Minister for Culture and Tourism Gajendra Singh Shekhawat chu a pisa ah hmuin hmasawanna tura hmachhawp hrang hrang a sawipui.

Lok Sabha MP hian Mizorama Tagore Cultural Complexes (TCCs) din a nih theih nana hmalak dan tur a sawi pui a, Union Minister chuan Tagore Cultural Complexes chu State dangah din alo ni tawh thin tih sawiin an tangkaipui viau zel nia a hriat thu a sawi a. Mizoramah pawh din a nih theih nana hmalak a tum thu a sawi a ni.

Pu Richard Vanlalhmangaiha chuan Mizorama Culture and Tourism Department hnuaia hmasawanna ruhrel hrang hrang kalpui mekte tihhlawhtlin a nih vat theih nan chak leh zual zawka hma la turin a ngen a, Union Minister chuan Project hrang hrang awmsa te a rang lama alo bawhzui tur thu a lo hrilh bawk a ni.

Nimin tlai vek khan Mizoram Lok Sabha MP hian Tibet MP chenna inah kalin hmasawanna hrang hrang a sawipui bawk.

<><><>

SYNOD

Mizorama kohhran lian Presbyterian inkhawmpui sangber, Synod chuan Sethawna awm Jordan Center chu lak tha an ti a, rorel inkhawmin an pawm.

Ruihhlo ngaite enkawl na hmun Jordan Centre hi sorkarin a enkawl thin a, nikum June thla khan Chief Minister Pu Lalduhoma hoa Council of Minister thukhawm chuan midang kuta hlan chhawnnise an ti a, kumin June thla khan Social Welfare Department chuan Jordan Center enkawl chungchangah hian Mizoram Synod a lo dawr tawh a ni.

Synod Executive Committee (SEC) chuan Jordan Center chungchang hi a ngaihtuah a, tun tum inkhawmpui ah hian chhawpchhuak in Jordan Center lak churorel palaite chuan tha an ti a, a bawhzui turin SEC kutah dah ani.

Social Welfare Minister Pi Lalrinpuii chuan, nimin khan Social Media kaltlangin Synod-in Jordan Centre a lak tur thu hi a tarlang ani.

Synod Inkhawmpui hi kum 2010 atang khan Bial-in an thleng tan a, kumin 2025 hian Dawrpui Pastor Bialin Zarkawt Kohhran Biak Inah an thleng a ni. Inkhawmpui 2025-ah hian rorel palai mi 2109 an kal a. Palai thlan mi 1264 leh palai ni sa mi 845 an ni.

Synod Inkhawmpui vawi 103-na chu Chanmari Pastor Bialin Chanmari Kohhran Biak Inah an thleng ang.

<><><>